



Комисија за одлучивање о sukobу интереса

Komisija za odlučivanje o sukobu interesa
Povjerenstvo za odlučivanje o sukobu interesa

Broj: 04-50-15-12/16 (KOSI)

Sarajevo, 07.12.2016. godine

(A.R.)

Odluka je konačna sa danom 09.12.2016. godine

Potpis ovlaštene osobe:



Na osnovu člana 18. Zakona o sukobu interesa u institucijama vlasti Bosne i Hercegovine („Službeni glasnik Bosne i Hercegovine“, broj: 16/02, 14/03, 12/04, 63/08, 18/12, 87/13 i 41/16), člana 16. Poslovnika o radu Komisije za odlučivanje o sukobu interesa („Službeni glasnik BiH“, broj 51/14) i člana 15. Pravilnika o postupku („Službeni glasnik BiH“, broj: 56/14), Komisija za odlučivanje o sukobu interesa (u daljem tekstu: Komisija), na 9. sjednici, održanoj dana 07.12.2016. godine, u predmetu Žiko Krunić, iz Bijeljine, ul. Majora Dragutina Gavrilovića 9, donijela je slijedeću

ODLUKU

1. Utvrđuje se da je Žiko Krunić za vrijeme obavljanja funkcije predsjednika Nezavisnog odbora kao nezavisnog tijela policijske strukture Bosne i Hercegovine u periodu od 17.03.2014. godine do 24.12.2015. godine istovremeno obavljao i funkciju direktora Mješovitog Holdinga „Elektroprivreda Republike Srpske“ Matično preduzeće a.d. Trebinje-Zavisno preduzeće „Rudnik i Termoelektrana Ugljevik“ a.d. Ugljevik, te da je od 03.02.2016. godine obavljao funkciju v.d. izvršnog direktora za korporativne poslove, a od 20.05.2016. godine do dana donošenja odluke obavlja funkciju izvršnog direktora za korporativne poslove navedenog preduzeća, iako je morao podnijeti ostavku na nespojivu funkciju/posao najkasnije u roku od tri dana nakon preuzimanja javne funkcije, čime je počinio zabranjene aktivnosti iz člana 4. stav (1) i stav (4), a u vezi sa članom 5. stav (1) Zakona o sukobu interesa u institucijama vlasti Bosne i Hercegovine.
2. Za povredu zakona opisanu pod tačkom 1. dispozitiva ove odluke, Žiki Kruniću se izriče sankcija iz člana 20. stav (1) i stav (2) Zakona o sukobu interesa u institucijama vlasti Bosne i Hercegovine, i to obustava isplate dijela neto mjesečne plaće/primanja u iznosu od 30 % koju imenovani ostvaruje kao predsjednik Nezavisnog odbora kao nezavisnog tijela policijske strukture Bosne i Hercegovine, u trajanju od 6 mjeseci.
3. U skladu sa članom 20. stav (9) Zakona o sukobu interesa u institucijama vlasti Bosne i Hercegovine, Žiki Kruniću se ostavlja rok od 30 dana od dana prijema ove odluke da otkloni razloge koji su ga doveli do sukoba interesa opisanog u tački 1. ove odluke, odnosno da podnese ostavku na funkciju izvršnog direktora za korporativne poslove navedenog preduzeća i dokaz o tome dostavi Komisiji. U protivnom, Komisija će podnijeti prijedlog nadležnom organu za razrješenje imenovanog sa funkcije predsjednika Nezavisnog odbora kao nezavisnog tijela policijske strukture Bosne i Hercegovine.